

皇清文穎續編

皇清文穎續編卷二十六

頌

聖駕四巡江浙頌

謹序

梁同書

臣

嘗讀詩頌般之什曰允猶翕河長發之什曰

海外有截而知商周之世川后效其珍河宗輸

其寶光輝發越照耀前古雖書史不載其利導

之方然傳諸詠歌被於金石猶可使萬世下赫

然想見其遠謨也舜典五載一巡守二月五月

八月十有一月有其時封山濬川有其事所以
爲民利用厚生計者莫不畢舉焉猗歟盛矣欽
遇我

皇上備濬哲之上姿纘

聖祖之不烈拓地二萬餘里化行八極以外番回部
落重譯而至者日且數千萬衆旣安且和式歌
以舞是以巨海涵濶濁河鑒源嘉穀歧穗寶道
駢臻卽周之時邁所謂懷柔百神及河喬嶽商

之元鳥所謂肇域四海百祿是荷者蓋有過之
無不及矣東西南朔望

恩光懷

帝德一覲再覲三覲且有靡已之思焉今則順輿情

勤

睿畫奏底定而慶安瀾者四舉於茲民生抑何幸歟
原夫黃河爲帶百川所灌山東淮甸物土之宜
轉漕之利莫不因之漢唐宋元明遞有修舉特

一時事耳未足爲萬古經久之猷也我

皇上氣蒸川原潤歸草木精義遠策遂能繼大禹之
績告錫圭之功使大河南北咸利涉焉又以浙
者折也潮以平來衆水皆會折入旣深激而爲
湍則撼田疇震廬舍者間或有之我

皇上補地維之缺築捍海之塘遏橫流立砥柱而海
若波臣於是乎益順軌矣凡若此者豈特爲游
觀云乎哉皆所以爲東南億兆之民計深遠也

今夫上天之愛斯人也晝夜寒暑長養生成或
一日一周或閱時一徧則噓植常新慈父之愛
其子也恩斯勤斯有加無已或數日不相聞則
思或數年再相見則懌故鞠謀倍摯今東南黎
庶戴天之仁仰父之德喁喁望幸我

皇上至仁大德合萬國之歡心

親奉

安輿四涖南國相川原平水土金隄屹其若山石礎

比而如櫛

慶賜普洽不震不驚凡高年之耆耄尺口之童嬰咸
得長瞻

聖顏仰祝

慈壽中外禔福溢爲頌聲誠上天下地前古後今際
我

朝而大豐美者又非商周所能匹擬也若夫單椒
秀澤複嶂平湖前經

宸藻所題發舒宏麗與日星雲漢等其昭明薰蒸昌
熾氤氲涵煦將見山川之神且偕河伯海王共
耀景光於

盛世矣臣草土下質世受

國恩少習風詩備官

講幄故於長發之什竊有式園敷政之幸焉于般
之什竊效敷天哀對之忱焉謹隨衢巷歌舞之
末選言徵辭恭撰河清頌一章海晏頌一章拜

手稽首以獻

崑嶽星湧蔥山箭分沿流滙派經內帶汾洪濤浩渺
黃瀆淵淪三日一變千年一清通源濟物潛介藏鱗
萬彙寫潤元德含津自古在昔馬圖擢靈惟聖作則
惟禹克遵旣導積石亦溯淮瀆決排疏濬四載克勤
穆穆我

皇奠彼羣方祭沈元貉河發榮光轉石作鎮捧土成
梁淇園有竹南兗有桑親承

帝指輦固周防雲騰萬艘霧擁千櫓紺蓋時舉白璧
偕臧惟

聖天子德合無疆邁殷籲衆陋漢宣房安流順軌庶
民用康瀕河土壤潤澤豐沃向憂蕩析今聚邦族魚
鼈贏蟹禾麻麥菽日取歲收給求養欲轉漕東南截
川貫瀆祥風送颿恩波泛艫維正之供不一而足柳
岸排青葭隄漾綠靈雀鳴噪神雅飛復舟行其中如
履平陸彰

皇德兮如天象

皇度兮廣淵龍躉水兮流清涓魚折溜兮漪淪漣潤
九里兮漑萬田通四海兮滙百川順水性兮時節宣
嘉祥阜兮人無愆擴坤輿兮啟靈篇頌我
皇之功兮億萬斯年

右河清頌

伊古盛世海波不揚浮天無岸匝地有防渺瀰炭漫
膠瀉灝洋嘘吸尾閭噴薄濤瀾如輪斯轉似軸斯張

扶桑東擊昧宅西塘爲日月表爲川谷王維

皇體撰相視周詳此宜木石彼宜土塍積灰不用息
壤可量海神善移我岸孔固浙水南東潮汐吞吐進
湧鰲山退沖鵠渡鹽官沙渾構白出素挾越蟠吳渟
深洩汗

帝有恩言不踰指顧惠我田疇界我疆土異質詭暉
地天之府何竒不儲何神不聚鯨采揚華海物惟錯
蜃人鮫室織綃採珠象胥龍伯輸琛貢砮乘萬里船

來歸版圖我

皇柔遠錫以大酺舉無驚浪島絕懸枹海岸截業海
孺沮洳文身斷髮膜拜嵩呼有嚴

天子萬國笙箏

鑾輿一出乾苞坤符萬靈奔走百福灌輸慶安瀾兮
頌利濟環瀛海兮際天地斥鹵闢兮廣樹藝徂南東
兮極遠勢隱穹鱗兮垂雄螭望堦臺兮若星綴乘鷺
濤兮排蜃氣紛來往兮永無滯咸朝宗兮呈圖緯維

皇會極兮周四裔

右海晏頌

皇清文頌續編

卷五

頌

七

聖駕四巡江浙頌

謹序

張熙純

臣

聞王者寅紹鴻業統和天人罔弗昧旦丕顯
所其無逸眡五繇之祥習乘乾出豫敞扈禩以
浸黎元黃軒姚姒以降書契所紀藻朗不渝也
欽惟

皇上宅天衷立民極重熙累洽榮鏡宇宙八荒納於
在闔億人躋於春臺澤靡迥而勿覃忱罔幽而
勿燭儀古侔德遐邇三五蓋

聖人穆然彤廷璇樞之表惟夫所以旁昭淳風燮諧
六府者厯鴻曼羨遑蹠諸夏矣外若九牧大吏
弼教闡化宣上德而抒下情者匪懈匪康允釐
厥職九埏謐如也迺睠洪覆之下延首跂踵抱
誠扇慕之衆莘莘蒸蒸鬱乎繁星之環極萬流
之仰鏡而合宮端拱休助未究軫厥葵藿傾向
之丹懇曷克展哉蓋命輶軒以陳風孰與駐星
罕而柔撫咨樂正以導和孰與散帝暉而臨眎

矧茲揚州之域上當星紀山澤藏育民物繁庶
實東南之奧區大藩允惟披圖按籍宜應雅頌
而邀

時邁者歟粵在辛未春孟

金駕總駟肇符虞巡洎於丁丑壬午太史卜征一
如初禮

渥惠便蕃靡慶不覃俾羣生霑濡咸獲嘉祉五位玉
燭屢惟豐年陶陶焉皞皞焉疇懷貞而未擢疇

舍隱而未攄顧惟洪河東注殷江翕淮靈海於
廓包絡吳越黃流之所盪潏紫渤之所吐吸輒
雷激箭啣隄決防蓋紆籌於往牒竭智於曩哲
者不可殫悉爰自

翠華臨涖誕運

淵畧灑沈澹灾遁致清晏金隄扼衝鯨波較警疇之
向若眩慄者恬息安枕行無事焉卓哉

神功天啟夏載奠川罕克校烈也若夫宣房碣石方

斯茂矣故夫狃近功者詘長策勗遠圖者規億
世

皇上悅斯民之誕登祚席而猶慮積習生常久且狎
玩也防禦之固兢兢乎不可弛已厯厥鉅典而
允于寤寐次於

聖心帝車雖勤又惡可以已斯用

晉命所司於三十載乙酉之春

躬履周覽以虔輦觀成也於是厯吉日協靈辰祇奉

皇太后安輿發軔平北闕肅軫平南邦容容裔裔隱
隱麟麟景風翼衛崇雲凝蓋山祇水若蹕嶠警
流天動星移青陽郁藹爰遵河曲爰暨海壖

申戒旌勤已事而竣遂乃禮百神懷上下問高年叅
譽髦飭吏治究民崑散公儲蠲逋賦注歲紛綸
上暢下沂洪惟

皇上萃萬姓之歡心以崇

聖母無疆之福卽廣

慈寧之純嘏以洽

聖主錫類之仁故能降綢繆調元氣俾大化淳流表裏悅穆游及昆虫罔不醴粹于是鯢齒鮐背之叟拊額以手喟然並稱曰猗我

后之德侯其博而夫章亮妣教極孝也懷保黎蒸廣惠也救寧水德偉績也喬皇令典上儀也若夫三辰歆飭景緯昭應殊祥極瑞洪朗洞天雪若響集景臻宏於

一人固與英聲懋實況榮千載矣惟夫含甘實飫醇
醲者沐浴膏澤至優至渥豈伊不結誠於芹擷
豈伊不勵惻於涓埃以申祝天保以答眷高厚
五情屏營蘊思欲通猶鳥企而魚奮也而我

皇上儉德駿茂屢音彌劭簡七萃肅九旂清道按列
嶽鎮淵渟服御儲裕乎尙方方物不登乎行傳
侍從供億胥給於司農臣庶錫資悉咨於內府
至於緣津設榷因峯抗殿土事不飾木功不雕

惟襲前軌毋倭舊觀

六飛所臨百司整暇

聖儀載停晬容有穆覽川原之沃衍考聲教之所被
臚蒼赤之至歡總神靈之貺祐宣和騰豫之聲
盈耳藻野縟川之景極目美乎洋洋華胥建德
之宇無以尙也豈與夫訪道襄城之野悵望姑
射之阿相羊半漢匪爲民勤也與粵稽吉甫奏
雅誌美車攻姬旦作頌揄揚哀對伊惟蒐狩常

典梁騶偶駕云爾猶雍容鋪繹潤於丹青況我
聖皇冠德卓絕邁軼虞夏之上律極軌者哉臣至愚
極陋幸綴多士末行瞻仰

雲日之光華竊仿歌事遂情之義撰頌一篇雖未究
萬分之一庸以扇景炎而摘無極謹稽首再拜
以獻

帝載緝熙大猷允穆武功外悠時文維郁玉衡麗霄
卿雲華旭泰元正符迪衍景福懿我

后受之以尊懷六服誕六服攸同宅心孔固維

帝勤恤之是咻是噢若中衢置尊以莫不飫更假以
溢我日遊曰豫曰惠我嘉師瞻斗車所馭斗車光光
聖人貞觀肆

宸居孔碩遑自泮渙肆華林孔廡遑自游衍咨六駟
旣閑敞

天休於禹甸爰暨南邦清問黎獻逖矣南邦嘉茲吳
會枕海襟河旣豐而泰協氣四馳我

皇于邁萬彙昭蘇哀時之對景

祖烈皇皇播

慈仁藹藹

慈仁洵溥

聖恩逾廣肇

玉鑾初巡若景風長養自

再駕三駕畢穎達條暢於今三年鬱喁喁之望欽繩
武其未央重迎

天仗天仗雲舒

天顏有喜春風扇和潛波鱗起萬葉含苞桐華吐蕊
似路焚香隨風猗靡匪震匪肅來遊來止濟濟搢紳
祁祁士女忻奉

宸遊雜襲鱗聚明鐘暢音遙聞

天語爾耆庶畢前前旌母禦俾密邇

龍光耀仁曦之煦洸洸虎臣戢茲武力雍雍翰臣颺
茲文德咨爾公爾侯左右攸翼伊九譯四賓屬車載

軾胥令儀莫憇胥

皇風是式有山峩峩蘊真毓秀有水洋洋揚華滌垢

俯鏡淵涵仰矚葱茂乾珍坤釐旭卉絳輦浩萬億臚

聲如川嶽之壽雲栴翼如匪隘胡拓文軒斑如匪黠

胡騰率初典習常寤寐允莫宅衷惟寬奉躬惟約誕

大誥元元同我太樸爾不競不綈毋作好惡爾引養

引恬毋卽戲豫慎厥永圖抑茲末務由儀由庚遵道

遵路誕大誥元元登於太素戴勝降矣勤爾蠶織倉

庚鳴矣勤爾稼穡誕海澹河濂大功既飭尙勗增爾
虔尙勤恁爾職永同我太平懋哉罔斁惟

帝布和太和萃矣惟

帝行慶慶典備矣下舞上歌天澄日霽和鑾徘徊弭
節頓轡於胥樂兮際鴻鈞之世大哉乾元行健不息
帝德廣運憲

天爲則日進無疆惠此南國萬物熙熙會歸於極唐
哉皇哉綌萬嗣錫奕

聖駕四巡江浙頌

謹序

莊炘

稽古巡狩之典昊穹生民暨聞罕漫靡得而紀
書契所載黃帝披山通道未嘗寧居唐虞盛隆
四嶽時巡更夏商周斯制加密故易稱省方觀
民詩詠導河周嶽實帝者之上儀聖哲之隆軌
云欽惟

皇帝陛下神聖文武繼天立極御宇以來寰海乂安

中外禔福我

聖母皇太后純禧蕃祉益鴻庥慶

皇帝孝治天下覆載以內含生負氣跂行喙息蠕動
之屬莫不陶粹飲和泳仁蹈德而南服黎庶懷
而慕思謂吳越近地仰惟

聖祖仁皇帝德隆澤溥時邁其邦六舉茂典今

皇帝以重光協洽之歲巡幸茲土越丁丑若壬午上

春

鑾輅載臨行慶施惠普汜匝洽誠不勝惓惓之忱思

復覲

天日之容拜屬車之塵抗首翹踵狂趨睢盱失其所
以眠食於是三事岳牧之寮僉爾而進曰

皇帝握乾符闡坤珍宣重光昭緝熙惇睦辯章之化
旣溥惠鮮懷保之澤旣洽宜遂展肆覲之明文
答兆姓之跂慕

皇帝穆然於蝻蜎蠖濩之中維夫所以循古制繩
祖武怡

親志興情者龍集乙酉日躔孟陬迺奉

璇宮啟

清蹕司空戒塗太僕秉轡俞騎前導百執後陪

上龍駕

帝服天旋雲被以臨於南服章甫短後秀顙髻辟歡

踊騰躍聚觀族歎謂若天高而聽卑太陽回葵

藿之照

皇帝眷顧我南土民至優至渥與天地無極

臣伏念

國家太和翔洽炤景飲醴暢垓沂埏入荒在宥六
服承德故懸橦度索之區踰沙軼漠之國麋屬
乎象胥白環楷矢之貢菁幹善芳之賦軫積乎
王會邇惟西域人作不靖

天戈指麾雲徹席卷青海如鏡欒槍不芒蒸雪以西
生息理極功成治定修禮正樂江右鑄鐘銅鳴
簋虞和闐玉磬判列笙頌獻享之精交神積蘇
之氣塞明

皇天昭假報以上瑞五緯相汁旅躔垂耀淵哉鏐平
道豐而業駿重熙而累洽信可以優游伴奭端
拱巖廊者歟

皇帝用無逸作所爲心體健行不息爲德猶慮幽隱
弗彰庶類有不得其所沛然下凡一之詔不憚
道途之勤矧惟揚越之地洪河經其北靈海震
其南衆流汧涌沮洳病稼

皇帝儲思垂務鑒觀求莫

親巡河壩相度堤埽榮光流渚祥飈送帆淮徐虹宿
積潦所壅迺疏迺滌迺疆迺理令五土之宜反
其正色濱渠下田賦予貧民冬稔夏穡隨時代
熟海波蕩颺捷石尤重陂障決泄水趨中壘於
乎疏川導滯灑沉澹患萬世永賴無疆惟休厚
澤深仁天庥地涵誠無與絜大且夫百司庶尹
覲

光考績勤政也宮蒿厨薏減省服御昭德也周原砥

平漢鍤雲荷設饋勸耕舉幡禁忌重農也轉漕

京庾紆正供之粟

駐輦郡邑邀

賜租之恩阜財也華顛秀眉

賚子優厚影纓鼓篋登崇俊良溥澤也嘉玉潔牲徧
秩羣望瑞節祝冊兼禮百神虔祀也

宸章奎藻龍畫螺匾雲漢爲昭被物成飾右文也續
聖祖緒奉

慈寧歡永固丕基誕膺休祐大孝也諸福之物畢至
庶萌之願允協神聖之事既該而五三六經帝

王之道備矣

臣

幸生逢

盛朝衣被昭回之光沐浴庠序之教宜有所紀述鋪

張

聖天子駿德豐功以昭示無極

臣

雖甚舛陋惡可以

已伏念古者天子巡狩必有采詩之官而塗歌

邑誦皆得以聞謹作頌八章拜手稽首以獻

於鑠維

清四方承宇

皇耆其武西戎卽叙自我天覆莫不臣撫八風協節
五行順序曰雨曰暘多稔多黍赫赫

上帝皇皇

列祖綏佑

一人篤以純嘏眉壽無疆錫我

聖母 一章

既受純嘏慶於

璇闈顯顯翼翼雍雍恰恰大孝備矣萬邦是治以煦
以育泳仁而嬉本自

天經以洽庶黎非惟庶黎萬物熙熙跂喙斯逮根蔕
畢滋敷天之下遐不慕思

二章

維孝錫類降福孔殷乃眷南服樂我

聖仁維德如天維仁如春聿若惠來喜色欣欣維此
南服

聖祖時巡繩

武之思以慰下民維此南服

清問旣勤大澤之博以愉兆人

三章

蒼靈啟節條風肅塏旃旒央央和鸞噦噦

帝有恩言先事告誡舊典是仍尙慎侈汰瞻言南服
大輅攸屆偕春之來雲油雨霈

帝有恩言綏以慶賚式遄爾疆復爾租稅

四章

旣藜康衢兆民仰止

晬容愉穆匪威以喜瞻言道左黃髮覲齒水衡資錢
三服輪綺以介耆耆以錫蕃祉惠我南服湛恩無已
船粟是哺在彼中沚茅茹有慶烝我髦士

五章

帝瞻九有河海是虞曷稼曷穡亦有沮洳爰求民莫
不遑寧居爲障爲決以倚以儲有虔祀事河伯天吳
璋以大中緹繒之繡波臣受職協我永圖維

帝懷柔其敢以渝

六章

旣省南服爰釐百工厥有成績車服以庸匪庸浚明

惟以懋功遵彼原隰言觀其農春雨祁祁春日融融
土膏濕濕麻麥芃芃東作斯敏以協

皇衷年穀順成萬福來同

七章

於皇我

皇丕冒下土方文治旣洽武尅以剛惇典庸禮日昭
耿光奉我

聖母臨是南邦回軫還衡遂開明堂

上帝是圖申錫無疆五緯垂耀雪漢爲章於萬斯年

欣欣樂康

入章

皇清文穎續編

卷六

頌

三

聖駕巡幸天津頌

謹序

汪廷璣

乾隆三十二年二月己未

皇帝展輪郊宮

躬覽淀河隄牖至於海津越三月庚辰自

南苑旋

蹕禮也

臣

聞帝孚震出水演天生卜征習祥補助

之命播焉降邱距畝修和之績奏焉大陸旣作
冀野之推上田流泉是觀幽京之舉徹法四水

合而雒宅建八川會而雍都成履鄠杜之沃厥
獲一鍾醴鄭白之渠其泥數斗咸則三壤銍穗
居米粟之先駿發一同畛路繼遂溝之次我

聖清之體國經野也臺春作幕函夏爲陸前符墨食
之祥紛航畫幣左抱黃圖之輔遠帶膏腴翼蕃
富之陽阜面順同之勝畧星浮析木擎天桴倬
漢之衝沽抱長蘆志經瀆朝宗之道曰衛曰州
曰府有如累甃而遞升若海若淀若河務使建

餽而直注欽惟我

皇上整六飛於江介傳四幸於山呼左內史之所隸
鷺堠非隄大直沽之所輸

藻舟弗逮蓋改陸郵而就舫校多信宿之紆斯處
日下而瞻雲滋切景光之戴也夫以天道大備
人事日新宣游之業聿追歌詠之懷斯稱中衆
酉酒必三十載而後期趙北燕南越五百里爲
中甸海則

陪京通運歆苾神庥河則徒駭興工詳稽禹迹橫
沙亘套重洋避天塹之威逆水洄潮萬井倚坤
維之固加以滹沱直下遷徙頻仍派尾平涵灌
輸回互酈亭之註歲口表揭何存唐史之志澱
名槩槎莫據控清引濁譬淄澠之並形捨隆赴
窪與江河而不廢亦有調均之使不無狃便之
圖是職地官載敷

廟算斗門五五是牖皆雙格障重重爲隄不一梳爬

四閭闢淤衍稻蟹之鄉
鬢剔兼施斥鹵化菜鮭
之域猶驚

虞瞳之顧弗辭夏服之愍蒼威首塗青陸夾馭澤梁
冰泮暖汎將渾湖鏡奩圓明流較漑柔條隄岸
礪烟渚於江脣宿麥陂稜錯溝塍於堡口十一
橋之雁雁曩度

龍閑八九淀之鱗鱗斯鵝

鳳舸得所豸矣薤田遵土訓之司庸有鳩乎莢牧

弛澤魚之禁鯢魴曬子乍露漁網葭莢生孫未
藏葦舍舍漪習習挂竿綰以初搖颺浪沄沄曳
船綵而雙引證飛沙於滄海太沖之句猶工擬
渚水於湯池承矩之謀已隘矧乃中亭束峽受
漲金門故道通渾渟波玉帶夾河東西之界長
村南北之岐訪下里於蘇橋望會臺於姜砦沿
譌附會知括地之難稽因利乘除貴爲川之使
導蟠其豁險蟻穴胥墳量彼恒沙鯨濤永刷扞

白溝而截黃汭旋臺館而係滄樓一簣餅山依
約陂陀之槩六橋花港平分烟水之姿課農扈
於瞻蒲燈毬預罷協國饌於汎蕙饌餉兼催載
指崇城言移上廐雲帆轉漕並集丁沽露輶分
遼寧論亥市西京貂珥銀箏錦瑟之家東海魚
鹽粉碓銅溝之第話迎

變之故事誼展初儀拜蠲復之新符

恩推旁郡旣而縱溶嚮若儲與觀濤澹虛白於胸臆

遙波蕩涵染空青於辰弁佳氣龍蔥列竈屯鹺
祇待晞陽之暴專城鼓角長恬滄島之波富強
之烈禕而涵泄之功尙已昔者枝河播九郭說
盈千規平原者枉南準盧塞者過北

皇祖衷諸瀛鄭炳爲日星右碣石之標名討源地志
二漳水之歸宿示掌輿圖猶軫

非咨任土於乘槎履楫

特書漢詔劭農於寫佃交鄉

皇上籌策申詳

謨猷寅紹如雲

仙仗弗儼春轡在沼周廬裁施帟幔猶惜露臺之
築更支泉府之緡晉階級於羣工儐豆邇於末
吏樓船伐鼓均叨牢廩之榮黌舍鳴絃

特廣佩衿之數問高年而計齒金綺差頒宥薄譴而
回心術楊量脫倍檝師之稍直紆禺筭之常征
中外歡愉民神和福是以瀆宗剡剡久揚沈幣

之靈淀影潭潭再卜升紫之所答祥飈之九轉
風解行文期樂歲之三餘川能積德至若灘莊
中斷隄脈延長灣港旁疏壩身就坦遍綢繆於
衛水盡注全溟極沿沂於團河載經

上苑此卽郡樓十丈坊大溜於濰荆縣郭千家軌
中亶於尖塔飯稻羹魚之境豐樂咸庥一男三
女之州水泉永又後先鼓舞逖邇無恬洵可邀
悅豫於

璇闈垂義聲於金籙者也

臣

心隨葵藿跡拔菰蘆仰

吳會之

時巡頌聲有四奉郊圻之

至喜典禮如初竊繪

光華用昭清晏謹拜手稽首爲頌而獻焉

皇巡自南川職俛帖河宗獻榮息壤謝厭維股肱郡
未烝徒楫淵澱盪胸渤澥瀉曉曰有迎河濯濟互挾
曰有大隄厓隄遞接曰有複牖庠窮並攷曰有巨壩

阼降下協越督亢陂泉角飛堞戛服不遐墻慶斯疊
式喁式翹迺擢迺籥歲乘令時

帝臨上業九夏奏肆三鐘中夾繇條思柔聲耳貢罔
婦無輟杼僅勿罷饁經涂昀昀滌源滌滌其叢茝薤
厥鮮鱗蛙三種物宜兩戒星叶水精是旺土位匪怯
駐輦易艫引纜付艤知今按圖辨古稽牒掘鯉已涇
釣璜豈涉迅湍就甕漏罇受斂淀靈懸北海斐悚瞽熬
盆工省糴舟路捷蓂雨贊清樵風效燮宣候陽勇肖

德潤浥道漢苑旋肄唐弓獵九圻三程十幹二浹
祖德繩承

慈寧豫洽輯瑞邁唐成渠陋鄴臣記

言動景鑠萬葉

聖主六旬萬壽千文頌

謹序

錢陳羣

臣

聞天道運而無所積故萬物成帝道運而無所積故天下歸聖道運而無所積故海內服是說也卽章統會元運於無窮之謂也顧維壽世聖皇乃臻斯盛博稽載籍罕邁其時歲在庚寅秋八月恭逢我

皇上週甲誕辰歸善

慈寧

錫極兆庶凡諸湛恩茂典次第舉行淪浹九有內外

臣工黎獻莫不向

闕抃舞爭効嵩呼

臣

於乾隆二十五年恭進

皇上五十萬壽長律序引周易大衍之義理數符合

少申祝嘏微忱今又十年叨沐

恩注眷舊有加乃復

體恤衰齡俾無遠涉

臣

惶悚感激倍切依馳謹按尙

書益之贊堯曰帝德廣運乃聖乃神乃武乃文

蔡傳曰廣者大而無外運者行之不息說者又曰大而能運與天同德蓋天運轉如車轂

皇上法

天行健自強不息

天亦申命用休有是德而獲是福將必有周旋如環與天同壽者而推策一週其權輿數起矣臣又

按班史述三統之律以人事之紀爲歸故曰乾之九二萬物棣通族出於寅人奉而成之仁以

養之義以行之令事物各得其理我

皇上御極以來仁育義正龍德正中今則久於其道而化成矣志又曰寅木也爲仁其聲商也爲義故太簇爲人統律宓戲氏之所以順天地通神明類萬物之情也立人之道曰仁與義在天成象在地成形后以裁成天地之道輔相天地之宜以左右民此三律之謂矣我

皇上統輯羣元合揆三統茲當

六十大慶特命於頒朔之書重增甲子自今歲庚寅
至於萬億甲子數往知來有先物者矣夫庚猶
更也甲子至是一更而週匝無已也抑庚者道
也萬物得由其道也且庚位西方象秋時萬物
庚庚有實我

皇上萬壽聖節萬寶告成歲紀既合序候適宜而寅
主東方之辰聖王治天下德始於春生生不已
矧我

國家產祥降嘏長發自東衍慶無疆皆將於

皇上之純德同天厚集其福焉

臣

愚不勝區區之誠

敬獻所撰

萬壽千文頌一篇仍以理數之自然符合者衍繹其

旨以當乘韋

臣

陳羣誠懽誠忭稽首頓首頌曰

稽古三皇斟元太始萬八千年爲一甲子穀轉鈞旋
攝提化啟有熊推策斗綱寅指問於與蒞得天之紀
我

清受命肇長白山流光德厚源涌闢門

肇

興

景

顯代毓

聖神

太祖

太宗篤祐維新

世祖御寓混一坤垠烝哉

聖祖廣惠累仁

世宗善述篤生

聖孫我

皇之生誕膺

天祚樞電祥凝渚虹庥聚日角龍庭聲律身度徇齊

敦敏弗勤在傳亶父器昌幼承

眷顧眷顧云何

命侍帷宮鍾峯灤水徂暑涉冬

親承

彝訓萬壑松風陶堯鑄舜默契

蒼穹

重闡心法貽統厥中主器有託卜世延洪

前光允迪治開郅隆我

皇握符建其有極守兼創謨蕩平正直久道化成鑿
飲耕食世躋黃姚職職植植體備箕疇用徵

聖德德之大者孝事

天

親旦明匪懈孚格精禋

園壇

方澤察物觀神景壽淵耀

靈貺自甄

璇宮問豎繭館長春符天瑞鼎浹宙臚珍鈞鈴炳朗

寶冊璘彬

躬奉天經慶流九族邕邕怡怡敬友惇睦五世一堂
咸受分福暨於外藩賦枝燁屬雅歌行葦誼美采菽
無逸作所宵旰幾康六府孔修百穀用成叶歲其有
矣由儀由庚叶日雨而雨日暘而暘其或愆候持鼎
以禳軫念民麗怒焉如傷施舍已責比戶蕃昌五載
虞巡觀民江介環海澄恬翕河襟帶升中告虔于嵩
于岱申敬尼山展親紫塞無非事者一家中外伊耆
所難哲惠克兼我

皇澄叙各守官箴卿尹岳牧鞠謀是欽九德彰吉六
計弊廉激揚旌別孰可測占衡鑒從心不爽至熾弼
諧上理三登五咸太平之原敦雋崇道正學昌明經
天共皦虎觀石渠異同是攷濂洛關閩源流是討建
大成門辟雍特表煥乎

天筆象緯同垂如日復旦如漢昭回夔鼓軒舞解慍
阜財因文見志道無不該典謨大指風雅別裁湯盤
堯戒綜于

宸懷誕敷文命沂埏暢域游藝

幾餘罔非天宣夏服唐弓高塘獲隼龍筴螺書熊熊
碑版餘事多能六法盡善萬象端倪元工手幹文德
洽矣武功其成卽籠之役番碣悉平準夷內訌師出
以貞和闕貢玉拔達成城拓疆二萬西旅戢寧蠻荒
遐馭懾我威稜虞階舞羽洱海洗兵凡此遠猷

握鈴獨斷纘緒求寧拯塗戡亂鵜鰈紛來賁琛畢獻
烏弋黃支天方月竈稽首輸誠梯繩難竿南極曙見

上章中秋蘿圖長泰花甲初週

渙號誕告解澤旁流蠲賦區夏作人成周懽拔

金根祇謁

珠邱津門展義海屋添籌駢臻

國慶滋至

天庥遞歲昌期達寅茆卯

六十聖節

入旬慈壽齊始乾元揖仁氣母勅數冀莖爰

咨隸首臣効嵩呼率先黃耆生逢

盛際簪紱

三朝夙塵法從飫聽雲韶

聖人壽世養備庠膠仕多耆艾仙有松喬引年臣分

里緒猶叨祝

釐赴闕

恩渥重霄圖形鰲禁

賜杖螭坳二十年中

龍光疊荷湛露涵濡淳風餐藉未答涓埃捫心清夜
雅慕賡颺

天章屢下鈞奏在鳴元音巴和臣今獻頌竊擬九如

以德致福捷于鼓桴引鍼磁石拾芥江珠卽小喻大
理有同符三冬晉祝五老授圖孔燕樂愷媪富黍稌
兒齒鯨背抃舞康衢申命自

天純德不顯敷錫單厚祥集慶衍增受泰元如環之
轉錢鏗耳孫學慚謏淺鋪綴千言莫名

萬善

皇清文頤續編

卷三

頤

三

皇十六旬萬壽頌

謹序

嵇璜

乾隆紀元之三十有五年歲御在攝提格仲秋
之月日躔壽星之次恭逢我

皇上六旬萬壽慶辰大化翔洽萬彙澍濡民物由庚
聲教暨訖戴圓履方食毛踐土之倫咸思就瞻
雲日拜舞

歲十二月元日

御太和殿宴廷臣示慈惠

詔大司農溥賜天下田租幾三千萬義惟益下藏富

於民蓋自丙寅丙戌疊奉

詔書至今二十餘年之間三蒙

曠典史冊所稱漢文賜民田租之半其何以方茲於

是

特開鄉會恩科以宏作人之化而畿南九十九澍自

西流東灌溉沃衍昨歲

詔立廟以答神庥今年春

親莅而落之行慶施惠民大和樂江淮浙右之商數
千里子來趨事愛戴之忱浹於遐邇海寓壽民
登百歲者所在郡縣多有而致仕臣百十有二
歲者率先謁

闕羣臣拜手稽首共請稱

觴上

萬歲壽我

皇上仁孝丕昭祇奉

聖母皇太后怡愉備至來年

慈寧八旬萬壽慶辰

舞綵臚歡將

躬率王公卿牧伯臣庶敬迓

鴻禧大錫類焉

謙德尊光於今歲祝

釐之禮

諭以有待羣臣懷無以報咸殫精研思作爲歌詩冀

頌揚於萬一夫天幬地載之容工繪事者莫能效其技而候蟲時鳥之飛鳴天機所鼓固有不知其然而然而不能以自己者臣伏見

皇帝御極以來夙夜敬

天覲揚

光烈孝奉

慈闈以天下養

文教修和武功耆定治官愛民考禮省刑仁漸義摩

知明處當版章軼乎漢唐

道德高於姚姒

萬幾之暇

親製詩文至理闡造化之奧

至論決古今之疑煥乎雲漢爲章旣醇且備仰惟

天縱敦時敏之學守成兼剏業之功

聖集大成開闢未有在易乾之九五以剛健中正純

粹精之德保合太和萬國咸寧而繫象賅以自

强不息之一言

皇上生知安行從容中道綜述作之全建中和之極
夫惟夙夜不遑所其無逸用能受

天永命以綿無疆之休蓋乾之元天道也

皇上之德乾德也天道恒久而不已

聖人至誠而無息在昔周公言無逸所以多壽洪範
言嚮福以壽爲先而斂福歸於建用皇極德基

福應其理有固然者矣抑臣聞太極運三辰五

星於上而元氣轉三統五行於下皇極統三德
五事成位於中天之中數五地之中數六五六
者天地之中合因而重之而六十甲子生焉引
而伸之如環無端極於億兆京垓所不能算此
乾行之健而皇極休徵之應也

皇上行健自強無逸作所以統三德五事至於濟施
之

厚澤雖千萬有所不惜欽恤之

深仁雖一杖亦不輕加蓋惟以元氣包涵徧覆乎寰
宇大順大化推行盡利鼓舞盡神凡在甄陶煦
育之中者咸心悅誠服而莫能名蕩蕩巍巍之
盛則自今以始惟曰至於萬年臣不勝大願謹
拜手稽首而獻頌曰

維

皇建極不冒以臨表正萬國執中一心義畫之健唐
典之欽以綿

寶籙以秩

德音禮明樂備崇效卑法

兩郊灌獻

九廟嘗禋敬合蕭薌孝占蒲蕙盼蠻攸通芾祿斯洽
皇矣

列祖貽我不基

紹衣克念繼序其仔明作惇大工釐績熙美牆不遠
憲章在茲思齊

文母誕受多福

蘭膳親調

瑤觴申祝曰

壽而康既祿且肅以娛

春暉以永馭穀六合爲家羣生在宥解慍阜財養老
慈幼

賜租屢書教則先富爾宅爾田其耕其耨肆觀婉虞
時邁頌周奉

大安興雲罕芝旂

天顏有喜民莫是求以補以助來歌來游乃祀岱宗
匪事登封乃至

闕里

心源默通

籌河及海底定攸同淮沂其乂惠此南東雪嶺屯田
崑邱拓土二萬里餘勛踰往古左右洛那東西布露
來享來王悉臣悉

主秋蒐文囿和門列旌以講武事以觀歲成舊部新
蕃大小抒誠如星拱極如川納瀛惟筦道樞惟闡理
輿含咀義始包括謨誥江河之流日月之照
灑翰雲煙冠乎衆妙

聖壽周甲太歲在庚五老應期三階泰平

詔於時憲後甲年增至百二十貞元元貞元日始和
太和大宴瑞雪晨霏仁風午扇正供

普蠲闕門與選喜溢青衿歡騰赤縣乃

巡郊甸載

涖津門掘鯉淀漚丁字沽分水陸輻輳向

日情殷如春之澤神人悅欣惟敬日強惟仁則壽流

虹衍祥貫鼎應宿巖桂叢芳階奠茁秀五世孫曾蘭

陔滋茂本孝而治有大而謙自

天之佑

德興

天參九如詠九三多祝三進

萬年鰲上登咸